

**ՄԱՐԴՊԵՏԱԿԱՆ ԵՎ ԱՆԳԵՂՏԱՆ ԳՈՐԾԱԿԱԼՈՒԹՅՈՒՆՆԵՐԸ
ԱՐՇԱԿՈՒՆՅԱՑ ՀԱՅԱՍՏԱՆՈՒՄ**

ԲԱՐԿՆԵ ՀԱՐՈՒԹՅՈՒՆՅԱՆ

Մեծ Հայքի հայ Արշակունիների թագավորության պետական կարգի վերաբերյալ սկզբնաղբյուրներում պահպանվել են արժեքավոր տեղեկություններ: Հայկական վաղ ավատատիրական պետության գլուխ կանգնած էր Արշակունի գահակալը, որը կոչվում էր «թագաւոր Հայոց Մեծաց»¹: Հայոց արքունիքը գործադիր իշխանությունն իրականացնում էր գործակալությունների միջոցով: Չնայած դրանց մեծ մասը ձևավորվել էր դեռևս մ. թ. առաջ, երբ Հայաստանում գոյություն ունեւ ստրկատիրական կենտրոնացված պետություն, գործակալությունները զգալի փոփոխություններ կրեցին ավատատիրության շրջանում՝ կապված իրենց գործունեության շրջանակների և իրավասության հետ: Այսպես, սպարապետությունը, որ սկզբնական շրջանում սովորական գործակալություն էր, Վաղարշ II-ի օրոք, երբ Հռոմը Մեծ Հայքի թագավորության վրա դրեց կովկասյան լեռնանցքների պաշտպանությունը², ետին պլան մղեց մյուս գործակալություններին, իսկ սպարապետը դարձավ պետության մեջ երկրորդ անձնավորությունը³: Մեծ Հայքի թագավորության կարևոր գործակալություններն էին սպարապետությունը, հազարապետությունը, մեծն դատավարությունը, մարխազությունը, հայրությունը կամ մարդպետությունը, թագադիր ասպետությունը: Գոյություն են ունեցել անշուշտ նաև այլ, նվազ կարևոր գործակալություններ, որոնցից մի քանիսը սկզբնաղբյուրներից մեզ հայտնի են, իսկ մյուսները՝ ոչ: Յուրաքանչյուր գործակալ իր կատարած վարչական աշխատանքի կամ ռազմական ծառայության համար որպես վարձատրություն կամ «ուտեստ» ստանում էր որոշակի շրջան կամ գավառ, որն ի տարբերություն ժառանգական տիրույթների, կոչվում էր «ձեռական երկիր» կամ «երկիր ձեռական իշխանութեան»⁴: Արդեն անվանումն իսկ խոսում է այն մասին, որ գործակալը կարող էր այդ կալվածքի եկամուտից օգտվել այնքան ժամանակ, քանի դեռ գտնվում էր ծառայության մեջ: Գործակալությունը մեկ այլ անձի հանձնելու դեպքում «ձեռական երկիրն» անցնում էր նոր պաշտոնյային: Սակայն ավատատիրական հարաբերությունների զարգացման հետևանքով գործակալությունները դարձան որոշակի իշխանական տոհմերի ժառանգական արտոնությունը, որի հետևանքով «ձեռական երկիրը» գործնականում վերածվում էր ժառանգականի և միավորվում գործակալ-նախարարի ժառանգական կալվածներին: Չնայած որոշ շեղումներին, այդ կարգն Արշակունյաց թագավորության գոյության ողջ ընթացքում հիմնականում էր պահպանվում, քանի որ հայոց թագավորները միշտ չէ, որ կարող էին և պատրաստ էին համարձակ քայլերի դիմել, առանց վախենալու վրդովել երկրի երևութական անդորրությունը: Հենց այդպիսի վճռականության զոհ դարձավ հայոց Պապ թագավորը, որը նախարարների կարծիքով չափից ավելի էր խախտում «կարգը»:

Մեծ Հայքի թագավորության գործակալությունների մեջ առանձնահատուկ տեղ ունեւ հայրության կամ մարդպետության գործակալությունը, որի մասին

¹ Ս. Տ. Երեմյան, Վաղարշ II-ի քաղաքական հարաբերությունները Հռոմի և պարթևների հետ (պատմա-քաղաքական հանդես, 1976, № 4, էջ 45):

² Ակադ. Ս. Երեմյանի կարծիքով սպարապետությունը որպես գործակալություն հանդես եկավ մ. թ. II դարում, որը հավանական չէ (Շալա ժողովրդի պատմություն, հ. I, Երևան, 1971, էջ 829):

Պատմահայրը գրում է. «Եւ գունդս և պահապանս դրան արքունի կարգէ զշորս, զմի մի իւրաքանչիւր բիւրովք վառելովք ի նոյն ի հին ի վարմից թագաւորացն՝ որք ի մերոյ նախնւոյն ի Հայկայ, որք բուն ոստանն անուանեալ, որք ընդ ժամանակս ժամանակս ժառանգութիւն ի հարանցն ընկալեալ գիւղս և դաստակերտաւ: Իսկ աստ ուրեմն Պարսից թագաւորութեանն, որպէս լսեմ, այլս ոմանս յարուցեալ գունդս և ոստան անուանեալ. ոչ գիտեմ թէ վասն սպառնելոյ՝ ազգին առաջնոյ, թէ վասն ընդդիմութեան իրիք արդեօք ի վայսն սպառնելոյ՝ ազգեմ զազգն՝ վայլս ի տեղի նոցա յարուցին գունդս՝ անուամբ արքունի: Այլ առաջինն հաստատ ի վարմից թագաւորացն առաջնոց. որպէս և այսմ ի վրաց աշխարհին, որ Սէփէծուլն կոչի³, նա և ներքինիս հրամայէ ի նոյն ազգէ խզել և նախապետ նոցա զՀայր իշխան մասին յԱտրպատականէ մինչև ց. առաջ և ցնախնաւան, և նախապետութեան ազգին սա մեծարոյ: Բայց թէ որպէս կամ ուր սորա իրք անցին անյիշատակելի, ես ոչ գիտեմ»⁴:

Ինչպես դժվար չէ հերոսկացնել Մովսէս խորենացու այս հաղորդումից, առաջին ներքինապետը սերում էր հին թագավորական վարմից՝ Հայկի սերնդից, և նրա կառավարմանն էին հանձնված Ատրպատականի սահմաններից մինչև Ճուաշ և նախնական գավառներն ընկած հողերը: Պատմահայրը ներքինապետին կոչում է «Հայր», իբրև հատուկ անուն, բայց, ինչպես ցույց է տալիս Ստ. Մալխասյանցը, «Հայրը» ընդհանուր մակդիր էր բոլոր ներքինապետների համար, որ անգամ թուրքերը ներքինապետներին կոչում էին բաբա (=հայր)⁵: Մարդպետությունը համարժեք գործակալությունը, որի խնդիրն էր արքունի գանձարանների պահպանությունը, հայտնի էր հելլենիստական աշխարհում: Գործակալության գլուխ կանգնած պաշտոնյան կոչվում էր γαβρὸν — գաբոֆիլոսոմ⁶: Բնական է ենթադրել, որ հելլենիստական աշխարհի ոլորտն առնելով Մեծ Հայքի թագավորությունում ևս այդ գործակալությունը գոյություն ուներ և կոչվում էր «հայրություն»: Պարթև Արշակունիների հարստության կրտսեր ճյուղի՝ Մեծ Հայքի թագավորությունում հաստատվելուց հետո այդ գործակալությունը հանձնվում է մարդ ցեղի առաջնորդներին: Անդրադառնալով սույն խնդրին, Ս. Երեմյանը գտնում է, որ Տրդատ Ա-ի կամ նրա հաջորդների օրոք «հայրությունը» դառնում է մարդ ցեղի ցեղապետ-նահապետի ժառանգական արտոնությունը, իսկ քանի որ ցեղապետը կոչվում էր մարդպետ, գործակալությունն էլ ստացավ «մարդպետություն» անունը⁷: Մեծարգո հայագետի կարծիքով մ. թ. առաջին դարերում մարդերը դեռ լրիվ չէին դուրս եկել ռազմական դեմոկրատիայի աստիճանից, և նրանցից կազմված «մարդպետական գունդը» պիտի քաջ կռիվողի համրավ ունենար⁸: Մարդերի ցեղային կազմակերպության շնորհիվ գործակալությունը դարձավ ցեղային ներքինացվող առաջնորդների մենաշնորհը երկար ժամանակով, որի հետևանքով «հայրություն» և «մարդպետություն» հասկացությունները դարձան համարժեք, իսկ գործակալն էլ սկսեց կոչվել պարզապես «Հայր մարդպետ»:

3 Սեփեծուլը վրացերեն բառ է. բաղկացած սեփէ (թագավոր) և ծուլի (որդի) բառերից և նշանակում է արքայորդի, արքայազարմ: Ըստ Ն. Մառի («Հանդես ամսօրյա», 1892, էջ 165) վրացերեն սեփէ=սեփէ=մեփէ բառը, որ նշանակում է թագավոր, ծագում է հայոց սեպուհ բառից առաջ հնչյունի կորստով՝ սեպ(ու)հե=սեպհե=սեփի (Մովսէս խորենացի, Պատմություն Հայոց, Թարգմանությունը, ներածությունը և ծանոթագրություններն ակադ. Ստ. Մալխասյանցի, Երևան, 1968, էջ 342, ծան. 84):

4 «Մովսէս խորենացու Պատմութիւն Հայոց», աշխատութեամբ Մ. Արեղեան և Ս. Յարութիւնեան, Տփլիս, 1913, էջ 111—112 (այս և հետագա բնագրային բնագրումները մերն են—Բ. Հ.):

5 Մովսէս խորենացի, Պատմություն Հայոց, էջ 342—343, ծան. 85:

6 С. Т. Еремян, Основные черты общественного строя Армении в эллинистическую эпоху (ՀՄՄ ԳԱ «Տեղեկագիր» հաս. գիտ., 1948, № 11, էջ 70):

7 «Հայ ժողովրդի պատմություն», հ. I, էջ 832:

8 Նույն տեղում, էջ 833:

Մարդպետության կամ մարդպետական իշխանության մասին տեղեկություններ են պահպանվել Կղզավդիոս Պտղոմեոսի երկում, ըստ որի Γορδωνή—Կորդուր և Κωσταία—Կործաֆ աշխարհների հարեանությունը գտնվում է Μάρδοι-ն⁹։ Մեծ Հայքի պտղոմեոսյան և աշխարհացուցյան նկարագրությունների համակողմանի քննությունը պարզորոշ ցույց է տալիս, որ Μάρδοι-ն նույնական է Մարդպետական¹⁰ կամ «Մարդպետութիւն» իշխանությանը։ Ուստի, քանի որ պտղոմեոսյան նկարագրությունը վերաբերում է մ. թ. II դ. կեսերին, Մարդպետական իշխանությունը պետք է ստեղծված լիներ մինչ այդ։ Պլինիոս Ավագի տվյալներով Մեծ Հայքում կար 120 ստրատոպիա¹¹, հետևաբար Մարդպետականի ստեղծումը պետք է ենթադրել մ. թ. I դ. երկրորդ կեսից ոչ շուտ։ Պլինիոս Ավագն իր երկը ստեղծել է 71—77 թթ. ընթացքում, որը համապատասխանում է Տրդատ Ա-ի իշխանության տարիներին (66—88)։ Տրդատ Ա-ից մինչև II դ. կեսերն ընկած ժամանակահատվածում նշանավոր դեմքեր չկան, ուստի առավել հավանական է կարծել, որ վարչական խոշոր վերափոխությունները կատարվել էին Արշակունյաց առաջին գահակալի օրոք։ Եթե անգամ ընդունենք, որ վարչական կարգավորումը կատարվել էր նրա գահակալության առաջին տարիներին, Պլինիոս Ավագը կարող էր և տեղեկությունների պակասի պատճառով չիմանալ դրանց մասին, որովհետև նրա մոտ Հուլիանոսի և Այսակովկասի մասին նյութը վերաբերում է 30—40-ական թվականներին։

Մարդերը որպես իրանական ցեղ հավանաբար վայելում էին Արշակունի առաջին գահակալների հովանավորությունը, որի արտահայտությունն էր ճհայրութիւն պաշտոնի նրանց հանձնումը։ Սակայն մարդերի ցեղը շուտով որպես առանձին էթնիկ տարր, անհետացավ հայկական միջավայրում, հայացան նաև պարթև Արշակունիները, որի հետևանքով «մարդպետութիւն» գործակալության անպայման հանձնումը մարդ ցեղի նահապետին բնականոն ճանապարհով ի չիք դարձավ։ Ուստի ավելի ուշ շրջանում, ինչպես ցույց են տալիս սկզբնաղբյուրները, հայոց արքունիքը այդ պաշտոնը իր հայեցողությամբ հանձնում էր այս կամ այն ազնվականին։ Ինչպես ցեղային գոյության, այնպես էլ հետագա շրջանում, արքունիքը հաշվենկատ ձևով Մարդաստան կամ ըստ Սեբեոսի Մարդուցայք գավառը¹² չէր մտցնում Հայր-մարդպետի իշխանությանը հանձնելոված տիրույթների մեջ։ Այն միտքը, թե Հայր-Մարդպետի ձեռնական իշխանութեան տարածքը պիտի լիներ Նախճավան քաղաքն իր գավառով¹³, անհավանական է, որովհետև «Աշխարհացոյց»-ի քննությունը պարզում է, որ Նախճավանը Վասպուրականի մեջ է մտցվել անհամեմատ ուշ, իսկ ըստ Պատմահոր՝ Մարդպետական իշխանությունը տարածվել է մինչև Նախճավան և Ճուաշ։ Նախճավանի՝ մարդպետներին պատկանելու կամ չպատկանելու խնդիրը հարցի մի կողմն է, որովհետև Մարդպետական իշխանությունն իր ողջ գոյության ընթացքում եղել է ձեռնական իշխանութիւն և ներքինիներով կառավարվելու պայմաններում երբեք էլ չէր կարող վերածվել ժառանգական տիրույթի։

⁹ „Claudii Ptolemaei Geographia“, Voluminis Primi, pars, secunda, Parisiis, 1901, էջ 947.

¹⁰ Մարդպետների իշխանությունը Մարդպետական անունով հիշվում է միայն Գրիգոր Մադիստրոսի՝ Սարգիս վարդապետին ուղղված թղթում. «Ազէ հարցիի ընդ բոլոր Յարմայան և Կապան-գի. զինչ յատուս յայտոսիկ ի բոլոր տանս Մարդպետական եղեալ գործանութիւնս» («Գրիգոր Մադիստրոսի թղթերը», Աղեքսանդրապոլ, 1910, էջ 65)։

¹¹ „Plinii Naturalis Historia“ („The classical Library“, London, 1963, Liber VI, X).

¹² Ակադ. Ս. Երեմյանը միանգամայն իրավացիորեն Պտղոմեոսի երկում հանդիպող Μαρουστία—Matustana տեղանունը (Ptol., V, 12, 7) սբբադրում է Μα[ρ]ουστία և նույնանունով Մարդաստան-Մարդուցայքի հետ («Հայ ժողովրդի պատմություն», հ. I, էջ 833)։

¹³ Նույն տեղում, էջ 833։

Ղ. Ինճիճյանի կարծիքով մարդպետներին ներքինացրել են հեթանոս թագավորների օրոք, իսկ քրիստոնյա գահակալների ժամանակ այդ սովորույթը չի գործել: Իր ենթադրությունը հաստատելու համար նա վկայակոչում է Դրաստամատ իշխանի քաջությունը, որն ըստ նրա ներքինիներին հատուկ չէ¹⁴: Հայ պատմիչների տեղեկությունները հերքում են նման հայեցակետը, իսկ քաջության առկայությունը բնավ էլ հուսալի կոչվան չէ ներքինությունը ժխտելու համար: Պարսից Աղա-Մահմեդ խանը ներքինի էր, բայց ոչ ոք նրան չէր կարող մեղադրել վախկոտության մեջ: Ներքինիության հաստատությունը, որ կար քրիստոնյա Բյուզանդական կայսրությունում, անուղղակիորեն գալիս է հաստատելու հայկական սկզբնաղբյուրների վկայությունները: Այսպես, Փավստոս Բուզանդը տեղեկացնում է, որ Տիրանի իշխանության տարիներին գործած մարդպետը «...ունէր զպատին մեծի մարդպետութեան, այլ ներքինի՝ շարասիրտ շարախորհուրդ շարագործ, որում Հայր կոչէին»¹⁵: Հիշյալ Հայր-մարդպետը որպէս ներքինի հիշվում է Դ դարու վերջին 14-րդ դարում: «սկսաւ ներքինիս խօսել բան հպարտս և ամբարտաւանս...»¹⁶, իսկ Ե դարու վերջին է գլխում ասված է. «...Եւ քանզի այս գործակալութիւն և մարդպետութիւն, որում հայրն կոչէին ներքինեաց գործ լիալ էր ի բնէ ժամանակաց ի թագաւորութեանն Արշակունի...»¹⁷:

Քննության առնելով սկզբնաղբյուրները, ակադ. Հ. Մանանդյանը եզրակացրել է, որ մարդպետներին հանձնարարված է եղել Արշակունիների կանանցի և արքունիքի վերակացությունը, թագաւորական ամրությունների և բերդերի պահպանությունը և արքունի գանձերի ու կալվածների վերահսկողությունը¹⁸: Հայր մարդպետի գործունեության շրջանակների և իրավասության վերաբերյալ արժեքավոր տեղեկություններ են պահպանվել «Զորանամակում» և Փավստոս Բուզանդի երկում: Ավելորդ չենք համարում հիշյալ վկայությունները մեքերել ամբողջությամբ. «...Եւ զմեռնս ի յայլ աշխարհս գրաւալս. եւ լինի թիւ մարտիկ արանց որ ընդ ազգաւք ԶԴ-ից հազարաց թող զսպասաւորս դրանն արքունի՝ որ է ոստանդ որք ի պատերազմ ելանէին ընդ ախրթայի եւ մարդպետական, որ է Ենքիմի պահապան ի վերայ թագունւոյն եւ գանձույն եւ ընդ ամենայն թիւ զօրացն հայոց՝ որ է հարիւր եւ քսան հազարաց»¹⁹: Ընդ էր մարդպետն Հայր այլ շար և ժանտարարոյիք անօրէն և անիրաւ քան զառաջին Հայր անուն մարդպետն: Ահա կոտորեաց զամենայն ազգս նախարարացն ի ժամանակս թագաւորութեանն Տիրանայ արքայի. և սոյնպէս առ թագաւորութեամբն Արշակայ՝ ևս շար քան զառաջին գործել շար առ ամենայն մարդ: Արդ ելանէր սա շրջէր ընդ մարդպետութիւնն իւր. ապա եկն էջ Հայր մարդպետ ի գաւառն Տարօնոյ ընդ իւր գեղսն տեսանել»²⁰: «Ապա մինչդեռ մարդպետն Հայր զիրով իշխանութեամբ շրջէր յերկրին Տարօնոյ, և Մուշեղ սպարապետն Հայոց էր ի նմին գաւառին յիրում բերդին՝ որում Ողական կոչեն, որ կայ ի վերայ Ուփրատայ...»²¹:

14 Ղ. Ինճիճյան, Հնախոսություն աշխարհագրական Հայաստանյայց աշխարհի, Կ. Բ., Վենետիկ, 1835, էջ 136—137:

15 Փավստոս Բուզանդի պատմություն Պատմութիւն Հայոց, Վենետիկ, 1832, էջ 46:

16 Նույն տեղում, էջ 114:

17 Նույն տեղում, էջ 206:

18 Հակոբ Մանանդյան, Ֆեոդալիզմը հին Հայաստանում (Արշակունիների ու մարդպետության շրջան), Երևան, 1934, էջ 64: Մանոթ լինելով «Զորանամակին», Ղ. Ինճիճյանը լուրջ փավստոս Բուզանդի տեղեկությունների համաձայն գտնում է, որ մարդպետի պարտականությունն էր լինել հայ թագավորի, նրա ապարանքի վերակացու և հազարապետ (Ղ. Ինճիճյան, նշվ. աշխ., Կ. Բ., էջ 136):

19 Н. Адонц, Армения в эпоху Юстиниана, СПб., 1908, с. 252.

20 Փավստոս Բուզանդ, էջ 113—114: Մենուպ Վայոցձորեցիի կաթողիկոսի և մարդպետի հանդիպումը դնում է Այրարատում («Սոփիքը Հայկականք», Զ., Վենետիկ, 1853, էջ 41):

21 Նույն տեղում, էջ 191:

նվ իրոք, համաձայն առաջին տեղեկության, Հայր-մարդպետը հանդիսացել է կանանոցի գլխավոր և գանձերի պահապան, իսկ երկրորդ և երրորդ հաղորդումները նրան բնութագրում են որպես արքունի կալվածների, բնականաբար նաև արքունի բերդերի և ամրությունների վերակացու, որի անուղղակի վկայությունն ունենք Փավստոս Բուզանդի ներքոբերյալ հատվածում. «Եւ էր ներքինի մի Հայոց թագաւորին Արշակայ, ոստիկան հաւատարիմ լեալ, ներքինի սիրելի մեծի իշխանութեան և մեծի պատուի, և անուն Դրաստամատն, իսկ իբրև եղև պատերազմ ընդ թագաւորին Քուշանաց և ընդ թագաւորին Պարսից, շարաշար տարածէին զգօրսն Պարսից զօրքն Քուշանաց, և զբազումս կոտորեցին ի զօրացն Պարսից զօրքն Քուշանաց, և զբազումս ձերբակալ արարին, և զկէս փախստականս հալածական առնէին: Իսկ Դրաստամատն ներքինին, որ յամ Տիրանայ թագաւորին Հայոց և Արշակայ որդւոյ նորա թագաւորին Հայոց լեալ էր իշխան ասն գաւառին և հաւառարիմ գանձուց Անգեղ բերդին, և ամենայն բերդացն արժուէր, որ ի կողմանս յայնս. սոյնպէս և յերկրին Մովսաց ի Բնաբեղ բերդին գանձէն լեալ էին ընդ նովաւ, և բարձ նորա ի վեր քան դամենայն նախարարացն: Եւ քանզի այս գործակալութիւն և մարդպետութիւն, որում հայրն կոչէին²² ներքինեաց գործ լեալ էր ի ընէ ժամանակաց ի թագաւորութեանն Արշակունոյ, և զայս Դրաստամատն ներքինի գիշխանն զԱնգեղ տանն պերեալ տարեալ էր յերկիրն Պարսից ի ժամանակին՝ յորժամ կալան զԱրշակ արքայն Հայոց»²³:

Անդրադառնալով մեքեբոված երկրորդ և երրորդ հատվածներին, Ղ. Ին-ճիճյանը և Նորայր Բյուզանդացին ենթադրել են, «որ Շըշէր ընդ մարդպետութիւնն իւր» և «գլխավոր իշխանութեամբ շըշէր» արտահայտությունները պետք է ընկալել որպես հաղորդումներ՝ Տարոնում մարդպետական սեփական տիրույթների գոյության մասին²⁴: Այս տեսակետը, անկասկած, ընդունելի է: Ա. Գարազայանը, Հ. Մարքվարտը և Հ. Մանանդյանը իրավացիորեն ցույց են տվել, որ հիշյալ կալվածներն արքունի ոստանի մասերն էին, որոնք գտնվում էին մարդպետների տեսչության ներքո²⁵: Հարցը ամենից ընդունելի բացատրել է Հ. Մարքվարտը, որը գտնում է, որ Թովմա Արծրունու մոտ հիշատակված վասպուրականի գավառները, որոնք ըստ պատմիչի համարվում էին մարդպետների կալվածքներ, իրականում հանդիսացել են արքունի տան երկրներ²⁶: Հարցի բնույթի մեջ հստակություն մտցնելու նպատակով անհրաժեշտ ենք համարում մեքեբով Թովմա Արծրունու վկայությունը. «Եւ զբոլոր երկիրս իւրեանց տէրութեանն բաժանեցին յերկուս մասունս: Յիս կոյս եւ ի մուտս որ առ հիսիւսի զհայեցածն բերէ, առեալ էր ի բաժնէ Գագիկ իշխանի: Զձուռ զաւառն եւ զԹոռնաւան, Արտազ, Մարդաստան, Դառնի, Աղբերանի, Աղանդ-ոտ, Բառլովիտ, Պալունիք եւ Մեծունիք, Տոսպոշտունիք, Բոգունիք, Պուղան գաւառ Արտաշէսեան: Այսոքիկ գաւառք անուանիք, զոր յառաջին ժամանակս իւրոյ իշխանութեանն սեփականս իւր արարեալ ունէր հայրն նենգութեան Մարդպետ կոչեցեալ. զոր եւ վեր անդ յիշատակեալ ցուցաք զորպիսութիւն. եւ մանաւանդ քաղաքն Շամիրամայ հռչակելին եւ յոյժ փառաւորագոյնն յա-

²² Կետագրությունը փոխել ենք, որովհետև «ներքինեաց» բառի վրա բուլբ զնելը իմաստը աղավաղում է:

²³ Փավստոս Բուզանդ. էջ 205—206:

²⁴ Ղ. Ինճիճյան, նշվ. աշխ., հ. Բ, էջ 139, Նորայր Բյուզանդացի, Կորին և Նորին թարգմանությունք, Տիֆլիս, 1910, էջ 268:

²⁵ Ա. Մ. Գարազայան, Քննական պատմություն Հայոց, մասն Բ, Թիֆլիս, 1895, էջ 7 և 20, J. Markwart, Südarmenten und die Tigrisquellen nach griechischen und arabischen Geographen, Wien, 1930, էջ 36, Հ. Մանանդյան, նշվ. աշխ., էջ 64—65:

²⁶ J. Markwart, Die Genealogie der Bagratiden („Caucasica“, 1930, Fase. 6, 2. Teil, էջ 35. Հ. Մանանդյանի առաքիությունն այս հարցում, անհիմն է (նշվ. աշխ., էջ 65):

մենայն կողմանց Վասպուրականի²⁷։ Հպանցիկ ուսումնասիրությունն անգամ պարզում է, որ հիշյալ գավառներից և ոչ մեկը չի մտել Մարդպետական իշխանության տիրությունների մեջ։ Հիշյալ գավառներից արքունի չէին աներկբայորեն Ռշտունիքը (չնայած հայտնի է, որ Տիրանի օրոք Ռշտունիքը հարքունիս գրավվեց) և Արտաղը։ Պալունիքը, Գուգանը և Արտաշեսյանը նախապես արքունի կալվածքներ պետք է լինեին և նոր միայն ժամանակի ընթացքում վերածվեին նախարարությունների։

Մարդպետությունը IV դ. կարևոր նշանակություն ուներ Մեծ Հայքի թագավորության քաղաքական կյանքում։ Չնայած տեղեկությունների բացակայությանը, պետք է ենթադրել, որ այն, ինչպես արգեն ակնարկել ենք, մեծ կարևորություն էր ներկայացնում նաև նախորդ դարերում։ Գրիգոր Լուսավորչին հայոց քահանայապետ օծվելու համար Կեսարիա ուղեկցող 16 նշանավոր իշխանների շարքում Ադաթանգեղոսը հիշատակում է Վիշխանն Մարդպետութեան իշխանութեանն²⁸։ Անգեղ-տան իշխանից և Աղծնեաց բղճշխից անմիջապես հետո²⁹։ Տիրանի թագավորի օրոք Աղբիանոսյան Շահակ եպիսկոպոսին կաթողիկոս օծվելու համար Կեսարիա ուղեկցող իշխաններին հայոց արքայի հրամանով գլխավորում էր Մարդպետության իշխանը²⁹։ Նույն Տիրանի թագավորի իշխանության տարիներին Հայր-մարդպետի հորդորանքով գրեթե բնաջինջ են արվում Արծրունյաց և Ռշտունյաց իշխանական տները, իսկ նրանց կալվածքները հարքունիս են գրավվում³⁰։ Արշակի գահակալության շրջանում Հայր-մարդպետը պատրաստվում էր հայոց ներսես կաթողիկոսին պատկանող Աշտիշատի շրջակայքը հարքունիս գրավել և այնտեղ Վիշնել զապարանս արքունի³¹, սակայն սպանվում է Արծրունիների վերջին շառավիղ Շավասպ իշխանի կողմից։ Դրակ Հայր-մարդպետը Պապի իշխանության սկզբում Գանձակ քաղաքում նշանակվում է սահմանապահ, բայց շատ լանցած պարսից արքունիքի հետ գործարքի մեջ մտնելու համար մահապատժի է ենթարկվում հայոց թագավորի կողմից³²։ Հայր մարդպետը հիշատակվում է նաև Պապի սպանությունից առաջ և հետո՝ որպես թագավորության նշանավոր իշխաններից մեկը³³։ Մեծարդար Վալոցճորեցին նրանց կոչում է «Հայր Մարդպետութեան տանն, որ թագաւորահայրն կոչեն»³⁴։

Լինելով ներքինիներ և հնարավորություն չունենալով ժառանգական իշխանություն հիմնադրելու, մարդպետները հանդես էին գալիս որպես թագավորական ուժեղ իշխանության շատագույններ³⁵, աշխատելով ոչնչացնել կենտրոնախույս, ինչպես նաև կարևոր մայրուղիների վրա գտնվող, ստրատեգիական մեծ կարևորություն ունեցող նախարարությունները։ Նշելով նրանց վարած քաղաքականությունից, ինչպես նաև մի շարք ուղղակի և անուղղակի սվլալաններից, հակված ենք կարծելու, որ հայր-մարդպետները օժտված են եղել նաև ուստիկանական իրավասություններ և այդ իսկ պատճառով՝ մարդպետական զորաջոկատը չի մտել նախարարական զորացուցակի՝ «Ջորանաւակի» մեջ³⁶։ Հավանաբար այս բոլորի հետ մեկտեղ հայր-մարդպետները թագավորի մերձավոր խոր-

27 «Պատմութիւն տանն Արծրունեաց ի Թովմայ վարդապետէ Արծրունւոյ», Կոստանդնուպոլիս, 1852, էջ 282—283։

28 «Ազգաթանգեղայ Պատմութիւն Հայոց», աշխատութեամբ Գ. Տէր-Մկրտչեան եւ Ստ. Կանայանց, Տիֆլիս, 1909, էջ 414—415։

29 Փավստոս Բուզանդ, էջ 45։

30 Նույն տեղում, էջ 46—47։

31 Նույն տեղում, էջ 114։

32 Նույն տեղում, էջ 203—205։

33 Նույն տեղում, էջ 217—218, 233։

34 «Առփերը Հայկականը», Զ, էջ 25։

35 J. Markwart, Südarmenien und die Tigrisquellen, Wien, 1930, էջ 56—70։

36 Н. Адонц, *н.д.*, աշխ., էջ 251—252։

հրդականն էին ներքին քաղաքականության հարցերում, ինչպես նաև թագավորության գլխավոր դաստիարակը³⁷:

Խարդապետական իշխանությունը Պատմահոր նշած սահմաններում մի առանձնահատուկ կուսակալություն էր, որը ժառանգական բնույթ չունեցավ և չէր էլ կարող ունենալ Անգեղոսան իշխանության նմանությամբ: Բնութագրելով հայր-մարդպետների գործունեությունը, Հ. Մանանդյանը նշում է, որ Փավստոս Բուղանդը, որպես հայ ավատատերերի կուսակցության պատմագիր և նրանց դասախոսի շահերի արտահայտիչ, խորապես ատում է մարդպետներին և պախարակում նրանց գործունեությունը:

Պարզելով Մարդագետական գործակալության իրավասության շրջանակները, ստիպված ենք արձանագրել առաջին հայացքից կարծես թե անբացատրելի մի իրողություն. իսկ չէ որ՝ համաձայն Փավստոս Բուղանդի, նմանօրինակ իրավասություն ունի նաև Անգեղոսան իշխանը: Այդ մասին, ինչպես վերը տեսանք, Փավստոս Բուղանդը դրում է, թե Անգեղոսան իշխանը զլեալ էր իշխան տան գաւառին և հաւատարիմ գանձուց Անգեղ բերդին, և ամենայն բերդացն աղբունի, որ ի կողմանս յայնս. սոյնպէս և յերկրին Մոփաց ի Բնաբեղ բերդին գանձքն լեալ էին ընդ նովաւ, և բարձ նորա ի վեր քան գամենայն նախարարացն³⁸: Ղ. Ինճիճյանը փորձում է հարցը լուծել Անգեղոսան իշխանների և Մարդաբնուների նույնացման ճանապարհով, որ իբր Անգեղոսան իշխաններից շատերը եղել են Մարդաբնու կամ Հայր իշխան⁴⁰, իրականում վերոբերյալ հիշատակությունից աներկբա է դառնում, որ Հայր-մարդպետի վերականգնությունը հայկական թագավորության արեւմտյան մասերում պահվող գանձերի վրա չէր տարածվում: Հետեւաբար պետք է պարզել, թե ինչ սկզբունքով էր տեղի ունենում այս երկու իշխանությունների իրավասությունների ոլորտի տարածքային սահմանադրությունը: Անգեղոսան իշխանի ենթակայության ներքո գտնվել են, համաձայն հիշյալ տեղեկության, Անգեղ բերդն իր շրջակայքով, նրա մոտակայքում գտնվող արքունի բերդերը, ինչպես նաև Մոփաց աշխարհի Բնաբեղ բերդը: Պատմաաշխարհագրական քննությունը ցույց է տալիս, որ Անգեղոսան իշխանի վերականգնության ներքո գտնվող տարածքը համապատասխանում է Մոփաց թագավորության Մեծ Հայքի կազմի մեջ մտած տարածքին: Հիշյալ հանգամանքն ուսումնասիրողին ստիպում է կրկին անդրադառնալ փավստոսյան վկայության ներդոհիշյալ հատվածին. «Եւ քանդի այս գործակալութիւն և մարդպետութիւն, որում հայրն կոչէին՝ ներքինեաց գործ լեալ էր ի բնէ ժամանակաց ի թագաւորութեանն Արշակունոյ...»⁴¹, Պարզվում է, որ Անգեղոսան իշխանը Հայր-մարդպետի պես ներքինի էր և արքունի գործակալ, որի գործողությունների շրջանակը գրեթե ծածկում է Հայր-մարդպետի իրավասությունները: Հաջոց է ծագում, թե հայոց արքունիքն ի՞նչ շարժառիթներով է ստեղծել այս համանման երկու գործակալությունները: Մեր կարծիքով դրանց գոյությունը պատմական զարգացման արդյունք է: Տրամաբանական է կարծել, որ «Գաղտնիկապետ» գործակալական պաշտոնը գոյություն ուներ ոչ միայն հելլենիստական Մեծ Հայքում, այլև անհամեմատ հելլենականացված Մոփաց թագավորությունում: Տիգրան Մեծի կողմից Մոփաց թագավորությունը Մեծ Հայքին միացնելուց հետո հայոց արքունիքը, հավանաբար, ռազմաքաղաքական որոշակի նկատառումներով չի վերացնում Մոփքի գործակալությունը և լոկ սահմանազատում է Մեծ Հայքի «գաղտնիկապետ» Հայր-մարդպետի և Մոփքի գա-

37 А. Г. Суканасян, Общественно-политический строй и право Армении в эпоху раннего феодализма, Ереван, 1963, с. 223.

38 Հ. Մանանդյան, նշվ. աշխ., էջ 65—66:

39 Փավստոս Բուղանդ, էջ 206:

40 Ղ. Ինճիճյան, նշվ. աշխ., հ. Բ, էջ 139: Ն. Աղոնցի կարծիքով, արքունի ամրությունների պահպանությունն ու վերականգնությունը Մոփքում և Անգեղոսանը վստահված էին մարդաբնուների (Н. Адонц, նշվ. աշխ., էջ 470):

41 Փավստոս Բուղանդ, էջ 206:

զոֆիակոս Անգեղտան իշխանի գործունեության տարածքը: Ինչպես Մարգարիտահան իշխանությունը, այնպես էլ Անգեղտան իշխանությունը արքունի կալվածք էր: Այդ մասին Փավստոս Բուզանդը գրում է. «Հարկաներ (Մուշեղ Մամիկոնյանը—Հ. Բ.) և յԱնգեղ տունն զբազումս, և հանէր ընդ սուր: Բայց աշխարհն զի ոստան արքունի լեալ էր վաղ վաղ, բնակիչք գաւառին և ինքեանք կային ի հարկի ծառայութեան»⁴²: Անգեղտան արքունի տիրույթ լինելու մասին անուղղակի վկայություն է այն, որ Արշակ Բ Թագավորը Քի կողմանան ստորին գաւառացն յԱնգեղ տան էր յուտեստ»⁴³: Իսկ ինչ վերաբերում է Փավստոս Բուզանդի այն տեղեկությանը, թե պարսիկները «...գային պահ արկսնեին շուրջ զԱնգեղ զամուր բերդան, որ է յԱնկեղ աանն գաւառին. զի անդ էին րուս զում Հայոց Թագավորացն գերեզմանք շիրմացն արանց Արշակունեաց. բազում գանձք մթերեալ մնացեալ կային ի նախնեացն ի հնոց ժամանակաց հետէ»⁴⁴, ապա հնարավոր է, որ մի քանի Արշակունի գահակալներ իրոք Թաղված են եղել Անգեղ բերդում: Սակայն մեր կարծիքով, Փավստոս Բուզանդը Մովսես Խորենացու նմանությամբ Հայաստանում միայն գիտի Արշակունիների հարստությունը, ուստի նշված հիշատակության մեջ ըստ երևույթին խոսքը ոչ թե պարզապես Արշակունիների, այլ Մովսես Թագավորների գերեզմանների մասին է:

Մեծ Հայքի Թագավորության անկումից հետո երկու գործակալությունների գոյության անհրաժեշտությունն էլ վերացավ: Սակայն դրանց ճակատագրերը տարբեր ձևով դասավորվեցին: Անգեղտունը վերածվեց ինքնավար սատրապության Բյուզանդական կայսրության կազմում, իսկ Մարգարիտի իրավունքը պարսից արքունիքի կողմից հանձնվեց Սասանյանների հովանավորությունը վայելող Արծրունիներին⁴⁵, որի հետևանքով Արծրունիները կամաց-կամաց իրենց իշխանությունը հաստատեցին Վասպուրականի մեծ մասում: Սակայն բուն Մարգարիտահան իշխանությունը, որի տարածքում պետք է գերակշռող հանդիսանար իրանական տարրը հանձին մարական ցեղերի, ժամանակի ընթացքում դուրս մնաց Արծրունիների իշխանությունից և արարական տիրապետության շրջանում կորցրեց իր գիմագիծը: Մարգարիտահան իշխանությունից ավելի երկար գոյատևեց Մարգարիտահան եպիսկոպոսությունը, որի կենտրոնը դառնում է նախճավան քաղաքը:

ВЕДОМСТВА МАРДПЕТУТЮН И АНГЕХТУН В АРШАКИДСКОЙ АРМЕНИИ

БАБКЕН АРУТЮНЯН

Резюме

При царском дворе Аршакидской Армении особое место занимало ведомство хайрутюн(отцовство) или Мардпетутюн, соответствовавшее ведомству в эллинистическом мире, должностное лицо которого называлось γαζοφύλαχος. В компетенцию мардпета входили управление царским дворцом, охрана царицы, царской семьи и государственной казны, осуществление надзора за охраной царских имений и крепостей. Мардпеты выполняли также полицейские функции, опираясь на

⁴² Նույն անդում, էջ 212:

⁴³ Նույն տեղում, էջ 140:

⁴⁴ Նույն տեղում, էջ 142:

⁴⁵ Մանրամասն տես Բ. Հ. Հարությունյան, Մեծ Հայքի Վասպուրական աշխարհը ըստ «Աշխարհացոյց»-ի (Երևանի նրկանի համալսարանի, 1983, № 3, էջ 130—138):

специальный отряд всадников, известный под наименованием «мардпетаган гунд». Будучи евнухами и не имея возможности основать свой наследственный род, они преданно поддерживали царскую власть в ее борьбе с сепаратизмом нахараров, за централизацию страны, ослабление церкви и частичную конфискацию церковных земель. Приблизительно такими полномочиями был наделен также князь Ангехтуна в юго-западных областях Великой Армении. Как выясняется, в эпоху существования Цопкского Армянского царства князь Ангехтуна выполняли в нем функции γαζοφύλακος-а и сохранили их после присоединения Цопка к царству Великой Армении.